

তোমায় পড়ছে মনে

-আদনান সৈয়দ

বিজলি বাতির এই শহরে
রবোট হয়ে ঘুরছি আমি
গাড়ি আছে নারি আছে
আছে প্রাসাদ খুবই দামি।

সুখের খোঁজে এই যে আমি
ঘুরছি নদী শহর বনে
শক্ত ইটের ভাঁজে ভাঁজে
তোমার কথা পড়ছে মনে।

মনে পড়ে সেই কথাটি...
হঠাৎ করে খেলার ছলে
শিউলি মালা পড়িয়ে দিলে
আদর করে আমার গলে।

মনে পড়ে সেই কথাটি...
সূর্য তখন যাচ্ছে ডুবে
মুখটি তুমি রাখলে বুকে
ভালোবাসার আপন সুখে!

মনে পড়ে বৃষ্টি দিনে...
হৃদয় খুলে রিক্সা চড়ে
নীরব ঢাকায় ঘুরছি দু'জন
শক্ত হাতে হাতটি ধরে ।

মনে পড়ে মনে পড়ে..
তোমার কথাই মনে পড়ে
এই শহরের বিজলি-বাতি
আছার খেয়ে পড়ছে ঝড়ে ।

(New York, 8/27/07, adnansyed1@gmail.com)

